



المساعد الذكي – مكاتب الصحة





المساعد الذكي – مكاتب الصحة



ألف مبروك



ربنا يبارك في المولود ويجعله من الصالحين



تعالى معاً... نبدأ سوا

دلوقتي هنروح مكتب الصحة علشان نطلع شهادة الميلاد لأول مرة.

قبل ما تروح... خلي معاك الحاجات دي:

✓ أصل بطاقة الرقم القومي للأب

✓ أصل بطاقة الرقم القومي للأم

✓ أصل قسيمة الزواج – او قسيمة كمبيوتر حديثة من أقرب سجل مدنى

مهم جداً :

✗ البطاقات تكون (مش منتهية) وسارية

✗ وما تكونش مكسورة أو مشروخة

ومعاهم صورتين " ضوئية " لكل مستند

(يعني تصورهم من ماكينة تصوير ، لأن مكاتب الصحة مش بتقبل غير الاصل)



لما تجهز الحاجات دي ... هتوفر وقتك وتخلص أسرع



المساعد الذكي – مكاتب الصحة



نعمل إيه في مكتب الصحة

أول ما توصل

تروح لمكتب الصحة التابع لمكان الولادة (اسأل المستشفى : فين مكتب الصحة ؟)

وضروري خلال 15 يوم من تاريخ الولادة ، بعدها تعتبر ساقط قيد

تقدّم إخطار الولادة مع المستندات لموظف المكتب (ويُفضل تكون محدد اسم الطفل)



الموظف المختص بيسجل بيانات المولود

(الاسم – تاريخ الميلاد – بيانات الأب والأم – مكان الولادة)

البيانات بتتسجّل رسميًا في وزارة الصحة ميكنة المواليد

تستلم شهادة الميلاد بعد المراجعة والتصديق

ملاحظات مهمة جدًا بخصوص المدة (ساقط القيد)

✓ الأفضل تسجّل في أقرب وقت علشان تتجنب أي تأخير

✓ لازم تسجيل المولود خلال 15 يوم من تاريخ الولادة

✗ لو المدة عدّت

الحالة بتتحول إلى ساقط قيد

وده بيكون له إجراءات مختلفة

✓ ممكن يستغرق وقت أطول (يوصل لحوالي 15 يوم أو أكثر لاستخراج الشهادة)



المساعد الذكي – مكاتب الصحة



تسجيل شهادة الميلاد

✓ لازم إخطار الولادة يكون صادر من مستشفى أو جهة معتمدة

✗ لو بطاقة الأب أو الأم:

(مفقودة - غير سارية - مكسورة / مشروخة)

حتى لو الرقم القومي موجود

✓ الحل:

يتم استخراج شهادة ميلاد كمبيوتر حديثة بدل البطاقة
مع إرفاق صورة البطاقة إن وجدت مع إحضار أحد الأقارب من جهة الأب (العَصَب)

ملاحظات مهمة جدًا

✗ في حالة غياب الأب أو الأم، يمكن التبليغ عن المولود عن طريق أحد أقارب الدرجة الأولى للاب (العَصَب)

✓ العم أو العمة

✓ الجد (أب الأب)

✓ الجدة (أم الأب)

✓ الأم

بشـرط :

✓ تقديم أصل بطاقة سارية للمُبلِّغ وإثبات صلة القرابة

وفي حالة الأم :

✓ يتم عمل إقرار بنوة لإثبات استمرار العلاقة الزوجية وقسيمة زواج حديثة (السجل المدني)



الخدمة متاحة طول الأسبوع (حسب مواعيد المكتب)



في خطوة مهمة لو الطفل هيدخل حضانة طبية (المبتسرين) لا قدر الله

القلوبية: حسب السكن أومستشفى النيل مترو شبرا الخيمة → اضغط على العنوان وتعرف تروح ازاي



المساعد الذكي - مكاتب الصحة



بعد ما تخلص الكارنيه

تأخذ معاك :

✓ شهادة الميلاد

✓ البطاقة الصحية (الكراسة)

✓ كارنيه التأمين الصحي

✓ وترجع بيهم للحضانة

✓ نقطة مهمة جدًا

الحضانة المفروض تديلك ورقة

تروح بيها التأمين الصحي وتدفع رسوم المدة الى هتحددوا الحضانة

و غالباً بيكون مبلغ بسيط والكارنيه بيساعدك تقلل تكلفة الحضانة بنسبة كبيرة جدًا

يمكن توصل لـ 80% أو 90 % خصم

كده أنت خلصت كل الإجراءات المهمة
وربنا يقوم الطفل بالسلامة

بصراحة...

التعب ده كله مش بيضيع ، كل خطوة عملتها ..

هي أمان لابنك

وطمأنينة ليك

علشان يكبر بخير

إنك تتعب شوية .. علشان هو يرتاح العمر كله

تعالى نكمل مع بعض ...

ونبدأ أهم مرحلة في حياته

رحلة التطعيمات

